

# Imigassaq pillugu politikki

---

Imigassaq pillugu inatsimmi imigassanik aalakoornartortalinnik tuniniaanermut sassaallertarnermullu killissarititai aalajangersarneqarput. Imigassanik aalakoornartortalinnik atuinerup inuiaqatigiinnut tamanut inuttaasunullu ataasiakkaanut ajoqusiisinnaanerata killilersimaarnissaa inatsimmi anguniarneqarpoq.

Kommunalbestyrelsimut imigassaq pillugu akuersissummik qinnuteqarnermi, akuersissummik qinnuteqartoq imigassaq pillugu politikki iluarsaataq qinnuteqaammut ilanngunneqassaaq. Imigassaq pillugu politikimi nassuiaatigineqassaaq imigassaq pillugu akuersissummik qinnuteqartoq akisussaassuseqartumik sassaallerneq tuniniaanerlu qanoq qulakkeerniarneqarnersoq. Ima paasillugu imigassanik aalakoornartortalinnik sassaallernerme tuniniaanermilu inatsit malinneqartoq, taamaalillunilu imigassaq pillugu suliasaqarfimmi pitsaaliuinerme sulianut allanut naapertuuttoq.

Imigassaq pillugu politikki imigassanik aalakoornartortalinnik tuniniaanermi sassaallertarnermilu killissarititanik isumatusaartunik pilersitsiviussaaq. Inuusuttut unnuaanerani imerniartarfinnut isikulasarput. Imigassaq pillugu politikki unnuaanerani toqqissisimasumik pissusilersortoqarnissaanut peqataaqataassaaq – minnerunngitsumik inuusuttut eqqarsaatigalugit – aammalu nakuusernernerik, ajutoornernerik ingasattajaarluni aalakoornernerik pinaveersaartitsissalluni.

Imigassaq pillugu politikimit aamma qulakkeerneqassaaq ukiukitsunut inunnullu aalakoorpallaanut sassaallertoqannginnissaa. Imigassaq pillugu politikki pitsaasoq killissarititanik malittarisassanillu ersarissumik oqaasertalersugaassaaq sulisunit malissallugu pisariitsoq. Politikip ulluinnarni sulinerme atornerqarsinnaanissaa aammalu suliffimmi ilisimaneqarnissaa pingaaruteqarpoq, taamaalilluni sulisut taanna malillugu sulisinnaaqullugit.

Politikimi allaaserineqassapput sassaallertarfiup periusii, najoqqutarisassai isumaalu makku qiutillugit:

- Imigassaq pillugu inatsisip malinneqarnissaa
- Sulinerme avatangiisinik toqqissisimanartunik pitsaasunillu pilersitsinissaq
- Aaqqiagiinnginnernerik nakuusernernerillu pitsaaliuinissaq sulissutiginninnissarlu

Imigassaq pillugu politikip:

- Pitsaasumik isumannaatsumillu sassaallernissaq/tuniniaanissaq ukioqqortussutsimillu nakkutilliinissaq qulakkiissavaa
- Sulisunut isertunut/pisinianut toqqissimassutaassaaq
- Aqutsisumit sulisunillu akuerineqarsimasariaqassaaq

# Sassaallertarfinni imigassaq pillugu politikki

## Sassaallertarfinni ammasarfiit

Qaqugu imigassamik sassaalliineq ammassava?

Qanoq iliornissamut piareersimavugut ammasarfiit avaqqullugit imigassamik aalakoornartortalinnik tuniniaasoqannginnissaa anguniarlugu?

## Assiaqusersorneqarnissaq

Qanoq qulakkiissavarput imigassat aalakoornartortalit nioqqutissanut allanut akuutinnagit assiaqusersorneqarnissaat?

## Akerleriittunik aqutsinnaaneq

Qanoq iliussaagut akkerliittoqalerpat, soorlu paggittoqalerpat, ajuallannartunik suaartartoqalerpat, isersimasut akornanni imaluunniit isersimasut sulisullu akornanni siorasaarisoqalerpat?

Qanoq iliornissamut suut piareersassavagut akkerliinnerit pinaveersaartissagutsigit?

**Inatsimmi 18-it inorlugit ukiulinnut tunngasumut malinneqarnissaannik qulakkeerinnineq**

Inuttut uppersaatinik takunninnissaq eqqarsaatigalugu qanoq periuseqarpugut?

Qanoq qulakkiissavarput sulisut 18-it inorlugit ukiullit imigassanik aalakoornartortalinnik tuniniaasoqannginnissaa?

Qanoq qulakkiissavarput inuusuttunut 18-it inorlugit ukiulinnut imigassanik aalakoornartortalinnik tuniniaasoqannginnissaa?

**Inuit takuneqarsinnaasumik aalakoortunut**

Qanoq iliornissamut piareersarnikuuvugut takuneqarsinnaasumik aalakoortunut imigassanik aalakoornartortalinnik tuniniaannginnissamut?

Pisiniartut takuneqarsinnaasumik aalakoortut qanoq itigartissavagut?

## **Sulisut**

Qanoq qulakkiissavarput imigassaq pillugu politikip sulisunit ulluinnarni takuneqarsinnaallunilu atorneqarnissaa?

Qanoq qulakkiissavarput sulisugut imigassamik suliaqartut nittartakkakut "Certifikat.gl"-mi akisussaassusilimmik sassaallinissamut pikkorissarsimanissaat angusillutillu?

## **Imigassamik ussasaarineq**

Qanoq ilionnissamut suut piareersassavagut inatsit imigassamik ussasaarinermut tunngasoq malissagutsigu?